

ॐ नमः परमात्मने, श्री महागणपतये नमः, श्री गुरुभ्यो नमः ।  
हरिः ॐ ॥

## 1.1 प्रथमः प्रश्नः - (दर्शपूर्णमासौ)

## Contents

### 1.1 प्रथमः प्रश्नः - (दर्शपूर्णमासौ)

1

ॐ नमः परमात्मने, श्री महागणपतये नमः, श्री गुरुभ्यो नमः । हरिः ॐ ॥

### 1.1 प्रथमः प्रश्नः - (दर्शपूर्णमासौ)

## 1.1 प्रथमः प्रश्नः - (दर्शपूर्णमासौ)

### TS 1.1.1.1

इ॒षे । त्वा॒ । ऊ॒र्जे । त्वा॒ । वा॒यवः॑ । स्थ॒ । उ॒पा॒यव॑ इत्यु॒प - आ॒यवः॑ । स्थ॒ । दे॒वः । वः॑  
 । स॒वि॒ता । प्रे॒ति । अ॒र्प॒य॒तु । श्रेष्ठ॑त॒मा॒येति॑ श्रेष्ठ॑ - त॒मा॒य । क॒र्म॒णे । ए॒ति । प्या॒य॒ध्वम् ।  
 अ॒ग्नि॒याः । दे॒व॒भा॒ग॒मि॒ति॑ दे॒व॒भा॒गम् । ऊ॒र्ज॑स्व॒तीः । प॒र्य॑स्व॒तीः । प्र॒जा॒व॑न्ती॒रिति॑ प्र॒जा॒व॒तीः ।  
 अ॒न॒मी॒वाः । अ॒य॒क्ष्माः । मा । वः॑ । स्ते॒नः । ई॒श॒त॒ । मा । अ॒घ॒श॑स् इत्य॒घ - श॑स्  
 । रु॒द्र॒स्य॑ । हे॒तिः । प॒री॒ति॑ । वः॑ । वृ॒ण॒क्तु । ध्रु॒वाः । अ॒स्मि॒न् । गो॒प॑ता॒विति॑ गो - प॒तौ ।  
 स्या॒त॒ । ब॒ह्वीः॑ । य॒ज॑मान॒स्य । प॒शून् । पा॒हि ॥ 1

(इ॒षे - त्रि॒च॑त्वारि॒ंशत् ) (A1)

### TS 1.1.2.1

य॒ज्ञ॒स्य॑ । घो॒ष॒त् । अ॒सि॒ । प्र॒त्यु॑ष्ट॒मिति॑ प्र॒ति - उ॒ष्ट॒म् । र॒क्षः॑ । प्र॒त्यु॑ष्टा इति॑ प्र॒ति - उ॒ष्टाः॑  
 । अ॒रा॑त॒यः । प्रे॒ति । इ॒यम् । अ॒गा॒त् । धि॒ष॒णा॑ । ब॒रु॒हिः । अ॒च्छ॑ । म॒नु॒ना । कृ॒ता ।  
 स्व॒ध॒येति॑ स्व॒ध॒या॑ । वि॒त॒ष्टेति॑ वि - त॒ष्टा । ते । ए॒ति॑ । वृ॒ह॒न्ति॑ । क॒व॒यः॑ । पु॒र॒स्ता॑त् ।  
 दे॒वे॒भ्यः॑ । जु॒ष्ट॒म् । इ॒ह । ब॒रु॒हिः । आ॒स॒दु इत्या॑ - स॒दै॑ । दे॒वा॒ना॑म् । प॒रि॒षृ॒तमि॒ति॑ परि॒

-सूतम् । असि । वरूषवृद्धमिति वरूष -वृद्धम् । असि । देवंबरूहिरिति देवं - बरूहिः । मा । त्वा । अन्वक् । मा । तिर्यक् । पर्व । ते । राध्यासम् । आच्छेत्तेत्याँ - छेत्ता । ते । मा । रिषम् । देवंबरूहिरिति देवं -बरूहिः । शतवल्.शमिति शत - वल्.शम् । वीति । रोह । सहस्रवल्शा इति सहस्र -वल्शाः । 2

**TS 1.1.2.2**

वीति । वयम् । रुहेम् । पृथिव्याः । संपृच इति सं - पृचः । पाहि । सुसंभृतेति सु - संभृताँ । त्वा । समिति । भ्रामि । अदित्यै । रास्नाँ । असि । इन्द्राण्यै । संनहनमिति सं - नहनम् । पूषा । ते । ग्रन्थिम् । ग्रन्थातु । सः । ते । मा । एति । स्थात् । इन्द्रस्य । त्वा । बाहुभ्यामिति बाहु-भ्याम् । उदिति । यच्छे । बृहस्पतेः । मूर्ध्ना । हरामि । उरु । अन्तरिक्षम् । अन्विति । इहि । देवङ्गममिति देवम् - गमम् । असि ॥ 3

(सहस्रवल्.शा - अष्टात्रिंशच्च) (A2)

**TS 1.1.3.1**

शुन्धेद्धम् । दैव्याय । कर्मणे । देवयज्याया इति देव -यज्यायै । मातरिश्वनः । घर्मः । असि । द्यौः । असि । पृथिवी । असि । विश्वधाया इति विश्व -धायाः । असि । परमेण । धाम्नाँ । दृहस्व । मा । ह्याः । वसूनाम् । पवित्रम् । असि । शतधारमिति शत -धारम् । वसूनाम् । पवित्रम् । असि । सहस्रधारमिति सहस्र - धारम् । हुतः । स्तोकः । हुतः । द्रप्सः । अग्र्यै । बृहते । नाकाय । स्वाहाँ । द्यावाँ पृथिवीभ्यामिति द्यावाँ - पृथिवीभ्याम् । सा । विश्वायुरिति विश्व- आयुः । सा । विश्वव्यचा इति विश्व -व्यचाः । सा । विश्वकर्मेति विश्व -कर्मा । समिति । पृच्यद्धम् । ऋतावरीरित्यृत - वरीः । ऊर्मिणीः । मधुमत्तमा इति मधुमत्-तमाः । मन्द्राः । धनस्य । सातयै । सोमेन ( ) । त्वा । एति । तनन्मि । इन्द्राय । दधि । विष्णो इति । हव्यम् । रक्षस्व ॥ 4

(सोमे - नाष्टौ च) (A3)

#### TS 1.1.4.1

कर्मणे । वाम् । देवेभ्यः । शकेयम् । वेषाय । त्वा । प्रत्युष्टमिति प्रति -उष्टम् । रक्षः । प्रत्युष्टा इति प्रति -उष्टाः । अरातयः । धूः । असि । धूर्व । धूर्वन्तम् । धूर्व । तम् । यः । अस्मान् । धूर्वति । तम् । धूर्व । यम् । वयम् । धूर्वामः । त्वम् । देवानाम् । असि । सस्त्रितममिति सस्त्रि - तमम् । पप्रितममिति पप्रि - तमम् । जुष्टतममिति जुष्ट - तमम् । वह्नितममिति वह्नि - तमम् । देवहूतममिति देव-हूतमम् । अहुतम् । असि । हविर्धानमिति हविः - धानम् । दृहस्व । मा । ह्यः । मित्रस्य । त्वा । चक्षुषा । प्रेति । ईक्षे । मा । भेः । मा । समिति । विक्था । मा । त्वा । 5

#### TS 1.1.4.2

हिंसिषम् । उरु । वाताय । देवस्य । त्वा । सवितुः । प्रसव इति प्र -सवे । अश्विनोः । बाहुभ्यामिति बाहु -भ्याम् । पूष्णः । हस्ताभ्याम् । अग्र्ये । जुष्टम् । निरिति । वृषामि । अग्नीषोमाभ्यामित्यग्नी - सोमाभ्याम् । इदम् । देवानाम् । इदम् । उ । नः । सह । स्फात्यै । त्वा । न । अरात्यै । सुवः । अभि । वीति । ख्येषम् । वैश्वानरम् । ज्योतिः । दृहन्ताम् । दुर्याः । द्यावापृथिव्योरिति द्यावा - पृथिव्योः । उरु । अन्तरिक्षम् । अन्विति । इहि । अदित्याः । त्वा । उपस्थ इत्युप-स्थे । सदयामि । अग्रे । हव्यम् । रक्षस्व ॥ 6

( मा त्वा - षट्त्वारिंशच्च ) (A4)

#### TS 1.1.5.1

देवः । वः । सविता । उदिति । पुनातु । अच्छिद्रेण । पवित्रेण । वसोः । सूर्यस्य ।

र॒श्मिभि॑रिति॒ र॒श्मि - भिः । आपः । दे॒वीः । अ॒ग्ने॒पु॒व॒ इत्य॑ग्ने - पु॒वः । अ॒ग्ने॒गु॒व॒ इत्य॑ग्ने -  
 गु॒वः । अ॒ग्ने । इ॒मम् । य॒ज्ञम् । न॒य॒त॒ । अ॒ग्ने । य॒ज्ञ॒प॒ति॒मि॒ति॒ य॒ज्ञ - प॒तिम् । ध॒त्त॒ ।  
 यु॒ष्मान् । इन्द्रः । अ॒वृ॒णी॒त॒ । वृ॒त्र॒तू॒र्य॒ इति॑ वृ॒त्र -तू॒र्य॑ । यू॒यम् । इन्द्र॑म् । अ॒वृ॒णी॒ध्वम् ।  
 वृ॒त्र॒तू॒र्य॒ इति॑ वृ॒त्र -तू॒र्य॑ । प्रोक्षि॑ता इति॒ प्र -उ॒क्षि॒ताः । स्थ॒ । अ॒ग्न॒यै । वः । जुष्ट॑म् । प्रेति॑ ।  
 उ॒क्षामि॑ । अ॒ग्नी॒षो॒म॒भ्या॒मित्य॑ग्नी - सो॒म॒भ्याम् । शु॒न्ध॑ध्वम् । दै॒व्या॑य । क॒र्म॒णे । दे॒व॒य॒ज्या॒या  
 इति॑ दे॒व॒य॒ज्या॑यै । अ॒व॑धू॒त॒मित्य॑व - धू॒तम् । रक्षः । अ॒व॑धू॒ता इत्य॑व - धू॒ताः । अ॒रा॑तयः ।  
 अ॒दि॒त्याः । त्वक् । अ॒सि॒ । प्र॒ती॒ति॒ । त्वा॒ । 7

**TS 1.1.5.2**

पृ॒थि॒वी । वे॒त्तु॒ । अ॒धि॒ष॒व॑ण॒मित्य॑धि - स॒व॑नम् । अ॒सि॒ । वा॒न॒स्प॒त्यम् । प्र॒ती॒ति॒ । त्वा॒ । अ॒दि॒त्याः  
 । त्वक् । वे॒त्तु॒ । अ॒ग्नेः । त॒नूः । अ॒सि॒ । वा॒चः । वि॒स॒र्ज॑न॒मि॒ति॒ वि॒-स॒र्ज॑नम् । दे॒व॒वी॒त॒य॒ इति॑  
 दे॒व॒-वी॒त॒ये॒ । त्वा॒ । गृ॒ह्णामि॑ । अ॒द्रिः । अ॒सि॒ । वा॒न॒स्प॒त्यः । सः । इ॒दम् । दे॒वे॒भ्यः । ह॒व्यम्  
 । सु॒श॒मी॒ति॒ सु॒-श॒मि॑ । श॒मि॒ष्व॒ । इ॒ष॑म् । ए॒ति॒ । व॒द॒ । ऊ॒र्ज॑म् । ए॒ति॒ । व॒द॒ । द्यु॒म॒दि॒ति॒  
 द्यु॒-म॒त् । व॒द॒त॒ । व॒यम् । स॒ङ्घा॑त॒मि॒ति॒ सं - घा॑तम् । जे॒ष्म॒ । व॒रू॒ष॒वृ॒द्ध॒मि॒ति॒ व॒रू॒ष॒-वृ॒द्धम् ।  
 अ॒सि॒ । प्र॒ती॒ति॒ । त्वा॒ । व॒रू॒ष॒वृ॒द्ध॒मि॒ति॒ व॒रू॒ष॒-वृ॒द्धम् । वे॒त्तु॒ । प॒रा॑पू॒त॒मि॒ति॒ प॒रा॑ - पू॒तम् । रक्षः  
 । प॒रा॑पू॒ता इति॑ प॒रा॑ - पू॒ताः । अ॒रा॑तयः । रक्ष॑साम् । भा॒गः ( ) । अ॒सि॒ । वा॒युः । वः । वी॒ति॒  
 । वि॒न॒क्तु॒ । दे॒वः । वः । स॒वि॒ता । हि॒र॑ण्यपा॒णि॒रिति॑ हि॒र॑ण्य - पा॒णिः । प्र॒ती॒ति॒ । गृ॒ह्णा॒तु ॥ 8

( त्वा - भाग - एकादश च ) (A5)

**TS 1.1.6.1**

अ॒व॑धू॒त॒मित्य॑व - धू॒तम् । रक्षः । अ॒व॑धू॒ता इत्य॑व - धू॒ताः । अ॒रा॑तयः । अ॒दि॒त्याः । त्वक् ।  
 अ॒सि॒ । प्र॒ती॒ति॒ । त्वा॒ । पृ॒थि॒वी । वे॒त्तु॒ । दि॒वः । स्क्व॑म्भ॒निः । अ॒सि॒ । प्र॒ती॒ति॒ । त्वा॒ ।  
 अ॒दि॒त्याः । त्वक् । वे॒त्तु॒ । धि॒ष॒णा॑ । अ॒सि॒ । प॒र्व॒त्या । प्र॒ती॒ति॒ । त्वा॒ । दि॒वः । स्क्व॑म्भ॒निः

। वेत्तु । धिषणां । असि । पार्वतेयी । प्रतीतिं । त्वा । पूर्वतिः । वेत्तु । देवस्य । त्वा ।  
 सवितुः । प्रसव इति प्र -सवे । अश्विनोः । बाहुभ्यामिति बाहु-भ्याम् । पूष्णः । हस्ताभ्याम्  
 । अधीतिं । वृषामि । धान्यम् । असि । धिनुहि । देवान् । प्राणायेति प्र-अनाय । त्वा (   
 ) । अपानात्येप -अनाय । त्वा । व्यानायेति वि- अनाय । त्वा । दीर्घाम् । अन्वितिं ।  
 प्रसितिमिति प्र - सितिम् । आयुषे । धाम् । देवः । वः । सविता । हिरण्यपाणिरिति हिरण्य  
 - पाणिः । प्रतीतिं । गृह्णातु ॥ 9

(प्राणाय त्वा - पञ्चदश च) (A6)

### TS 1.1.7.1

धृष्टिः । असि । ब्रह्म । यच्छ । अपेति । अग्ने । अग्निम् । आमादमित्याम् -अदम् । जहि  
 । निरितिं । क्रव्यादमिति क्रव्य- अदम् । सेध । एति । देवयजमिति देव-यजम् । वह् ।  
 निर्दग्धमिति निः - दुग्धम् । रक्षः । निर्दग्धा इति निः - दुग्धाः । अरातयः । ध्रुवम् । असि  
 । पृथिवीम् । दृह् । आयुः । दृह् । प्रजामिति प्र -जाम् । दृह् । सजातानिति स-जातान्  
 । अस्मै । यजमानाय । परीतिं । ऊह् । ध्रुवम् । असि । अन्तरिक्षम् । दृह् । प्राणमिति  
 प्र- अनम् । दृह् । आपानमित्येप - अनम् । दृह् । सजातानिति स-जातान् । अस्मै ।  
 यजमानाय । परीतिं । ऊह् । ध्रुवम् । असि । दिवम् । दृह् । चक्षुः । 10

### TS 1.1.7.2

दृह् । श्रोत्रम् । दृह् । सजातानिति स-जातान् । अस्मै । यजमानाय । परीतिं । ऊह् । धर्म  
 । असि । दिशः । दृह् । योनिम् । दृह् । प्रजामिति प्र -जाम् । दृह् । सजातानिति स-  
 जातान् । अस्मै । यजमानाय । परीतिं । ऊह् । चितः । स्थ । प्रजामिति प्र -जाम् । अस्मै ।  
 रयिम् । अस्मै । सजातानिति स-जातान् । अस्मै । यजमानाय । परीतिं । ऊह् । भृगूणाम् ।  
 अङ्गिरसाम् । तपसा । तप्यध्वम् । यानि । घर्मे । कपालानि । उपचिन्वन्तीत्युप - चिन्वन्ति ।

वेधसः॑ ॥ पूष्णः॑ । तानि॑ । अपीति॑ । व्रते॑ । इन्द्रवा॑यू इतीन्द्र-वायू॑ । वीति॑ । मुञ्चता॑म् ॥ 11

(चक्षुः॑ - रष्टाचत्वारिंशच्च) (A7)

### TS 1.1.8.1

समिति॑ । वपा॑मि । समिति॑ । आपः॑ । अ॒द्भिरित्य॑त् - भिः । अ॒गम॑त् । समिति॑ । ओष॑धयः । रसे॑न । समिति॑ । रेवती॑ । जग॑तीभिः । मधु॑मतीरिति॑ मधु॑ - म॒तीः । मधु॑मतीभिरिति॑ मधु॑ - म॒तीभिः । सृज्य॑ध्वम् । अ॒द्भ्य इत्य॑त् - भ्यः । परी॑ति । प्रजा॑ता इति॑ प्र - जा॒ताः । स्थ॑ । समिति॑ । अ॒द्भिरित्य॑त् - भिः । पृच्य॑ध्वम् । जन॑यत्यै । त्वा॑ । समिति॑ । यौमि॑ । अ॒ग्नये॑ । त्वा॑ । अ॒ग्नीषोमो॑भ्यामित्य॒ग्नी - सोमो॑भ्याम् । मुख॑स्य । शिरः॑ । अ॒सि । घ॒र्मः । अ॒सि । विश्वा॑युरुरिति॑ विश्व- आ॒युः । उ॒रु । प्रथ॑स्व । उ॒रु । ते॑ । य॒ज्ञप॑तिरिति॑ य॒ज्ञ - प॑तिः । प्रथ॑ता॒म् । त्वच॑म् । गृ॒ह्णी॑ष्व । अ॒न्तरि॑तमित्य॒न्तः - इ॒तम् । रक्ष॑ः । अ॒न्तरि॑ता॒ इत्य॒न्तः - इ॒ताः । अरा॑तयः । देवः॑ । त्वा॑ । स॒वि॒ता ( ) । श्रप॑यतु । वर॑षिष्ठे । अधी॑ति । ना॒के । अ॒ग्निः । ते॑ । त॒नुव॑म् । मा । अती॑ति । धा॒क् । अ॒ग्ने । ह॒व्यम् । र॒क्षस्व॑ । समिति॑ । ब्रह्म॑णा । पृच्य॑स्व । ए॒क॒ताय॑ । स्वाहा॑ । द्वि॒ताय॑ । स्वाहा॑ । त्रि॒ताय॑ । स्वाहा॑ ॥ 12

(स॒वि॒ता - द्वाविंशतिश्च) (A8)

### TS 1.1.9.1

एति॑ । दु॒दे । इन्द्र॑स्य । बा॒हुः । अ॒सि । दक्षि॑णः । स॒हस्र॑भृष्टिरिति॑ स॒हस्र॑ - भृष्टिः । शत॑तेजा॒ इति॑ शत - तेजाः । वा॒युः । अ॒सि । ति॒ग्मते॑जा॒ इति॑ ति॒ग्म - तेजाः । पृथि॑वि । दे॒वय॑ज्ञनीति॑ दे॒व - य॑ज्ञनि । ओष॑ध्याः । ते॑ । मूल॑म् । मा । हि॒सि॒षम् । अप॑हत॒ इत्य॑प - ह॒तः । अ॒रुः । पृथि॑व्यै । व्रज॑म् । ग॒च्छ । गो॒स्थान॑मिति॑ गो॒स्थान॑म् । वर॑षतु । ते॑ । द्यौः । ब॒धान॑ । दे॒व । स॒वि॒तः । प॒रम॑स्या॒म् । प॒राव॑तीति॑ परा - व॒ति । श॒तेन॑ । पाशैः॑ । यः । अ॒स्मान् ।

द्वेष्टि॑ । यम् । च॒ । व॒यम् । द्विष्मः॑ । तम् । अतः॑ । मा । मौक् । अप॑हत॒ इत्यप॑ - ह॒तः ।  
। अ॒रुः । पृ॒थि॒व्यै । दे॒व॒य॒ज॒न्या॒ इति॑ दे॒व - य॒ज॒न्यै । व्र॒जम् । 13

**TS 1.1.9.2**

गृ॒च्छ । गो॒स्थान॑मि॒ति गो॒-स्थान॑म् । वर॑ष॒तु । ते । द्यौः । ब॒धान॑ । दे॒व । स॒वि॒तुः ।  
पर॑म॒स्याम् । प॒रा॒व॒तीति॑ परा - व॒ति । श॒तेन॑ । पा॒शैः । यः । अ॒स्मान् । द्वेष्टि॑ । यम् ।  
च॒ । व॒यम् । द्विष्मः॑ । तम् । अतः॑ । मा । मौक् । अप॑हत॒ इत्यप॑ - ह॒तः । अ॒रुः ।  
पृ॒थि॒व्याः । अ॒दे॒व॒य॒ज॒न॒ इत्य॑दे॒व - य॒ज॒नः । व्र॒जम् । गृ॒च्छ । गो॒स्थान॑मि॒ति गो॒-स्थान॑म् ।  
वर॑ष॒तु । ते । द्यौः । ब॒धान॑ । दे॒व । स॒वि॒तुः । पर॑म॒स्याम् । प॒रा॒व॒तीति॑ परा - व॒ति । श॒तेन॑  
। पा॒शैः । यः । अ॒स्मान् । द्वेष्टि॑ । यम् । च॒ । व॒यम् । द्विष्मः॑ । तम् । अतः॑ । मा । 14

**TS 1.1.9.3**

मौक् । अ॒रुः । ते । दि॒वम् । मा । स्का॒न् । वस॑वः । त्वा । परी॑ति । गृ॒ह्ण॒न्तु । गा॒य॒त्रेण॑  
। छ॒न्द॑सा । रु॒द्राः । त्वा । परी॑ति । गृ॒ह्ण॒न्तु । त्रैष्टु॑भेन । छ॒न्द॑सा । आ॒दि॒त्याः । त्वा ।  
परी॑ति । गृ॒ह्ण॒न्तु । जा॒ग॒तेन॑ । छ॒न्द॑सा । दे॒व॒स्य॑ । स॒वि॒तुः । स॒वे । क॒र्म । कृ॒ण्व॒न्ति ।  
वे॒ध॒सः । ऋ॒तम् । अ॒सि । ऋ॒त॒स॒द॒न॒मित्य॑त - स॒द॒न॒म् । अ॒सि । ऋ॒त॒श्री॑रित्य॑त - श्रीः । अ॒सि  
। धाः । अ॒सि । स्व॒धेति॑ स्व- धा । अ॒सि । उ॒र्वी । च॒ । अ॒सि । व॒स्वी । च॒ । अ॒सि  
। पु॒रा । क्रू॒र॒स्य॑ । वि॒सृ॒प॒ इति॑ वि- सृ॒पः । वि॒र॒प्शि॒न्निति॑ वि- र॒प्शि॒न्न ( ) । उ॒दा॒दा॒येत्य॑त -  
आ॒दा॒य॑ । पृ॒थि॒वीम् । जी॒र॒दा॒नुरि॑ति जी॒र - दा॒नुः । या॒म् । ऐ॒र॒य॒न् । च॒न्द्र॒म॒सि । स्व॒धाभि॑रिति॑  
स्व॒धाभिः॑ । ता॒म् । धी॒रा॒सः । अ॒नु॒दृ॒श्येत्य॑नु अनु - दृ॒श्य॑ । य॒ज॒न्ते ॥ 15

(दे॒व॒य॒ज॒न्यै व्र॒जं - त॒म॒तो मा - वि॒र॒प्शि॒न् - नेका॑दश च) (A9)

**TS 1.1.10.1**



प्रत्युष्टमिति प्रति - उष्टम् । रक्षः । प्रत्युष्टा इति प्रति - उष्टः । अरांतयः । अग्नेः । वः ।  
 तेजिष्ठेन । तेजसा । निरिति । तृपामि । गोष्ठमिति गो -स्थम् । मा । निरिति । मृक्षम् ।  
 वाजिनम् । त्वा । सपत्नसाहमिति सपत्न - साहम् । समिति । माज्मि । वाचम् । प्राणमिति  
 प्रा- अनम् । चक्षुः । श्रोत्रम् । प्रजामिति प्र -जाम् । योनिम् । मा । निरिति । मृक्षम् ।  
 वाजिनीम् । त्वा । सपत्नसाहीमिति सपत्न - साहीम् । समिति । माज्मि । आशासानेत्या  
 -शासाना । सौमनसम् । प्रजामिति प्र -जाम् । सौभाग्यम् । तनूम् ॥ अग्नेः । अनुव्रतेत्यनु  
 -व्रता । भूत्वा । समिति । नृह्ये । सुकृतायेति सु -कृताय । कम् ॥ सुप्रजसु इति सु-प्रजसः  
 । त्वा । वयम् । सुपत्नीरिति सु-पत्नीः । उपेति । 16

**TS 1.1.10.2**

सेदिम् ॥ अग्ने । सपत्नदम्भनमिति सपत्न-दम्भनम् । अदब्धासः । अदाभ्यम् ॥ इमम् ।  
 वीति । स्यामि । वरुणस्य । पाशम् । यम् । अबधीत । सविता । सुकेतु इति सु-केतः ॥  
 धातुः । च । योनौ । सुकृतस्येति सु -कृतस्य । लोके । स्योनम् । मे । सह । पत्या ।  
 करोमि ॥ समिति । आयुषा । समिति । प्रजयेति प्र-जया । समिति । अग्ने । वर्चसा ।  
 पुनः ॥ समिति । पत्नी । पत्या । अहम् । गच्छे । समिति । आत्मा । तनुवा । मम ॥  
 महीनाम् । पयः । असि । ओषधीनाम् । रसः । तस्य । ते । अक्षीयमाणस्य । निरिति । 17

**TS 1.1.10.3**

वृपामि । महीनाम् । पयः । असि । ओषधीनाम् । रसः । अदब्धेन । त्वा । चक्षुषा ।  
 अवेति । ईक्षे । सुप्रजास्त्वायेति सुप्रजाः - त्वाय । तेजः । असि । तेजः । अनु । प्रेति ।  
 इहि । अग्निः । ते । तेजः । मा । वीति । नैत् । अग्नेः । जिह्वा । असि । सुभूरिति सु -  
 भूः । देवानाम् । धाम्ने धाम्न इति धाम्ने - धाम्ने । देवेभ्यः । यजुषेयजुष इति यजुषे -यजुषे ।  
 भव । शुक्रम् । असि । ज्योतिः । असि । तेजः । असि । देवः । वः । सविता । उदिति  
 । पुनातु । अच्छिद्रेण । पवित्रेण । वसोः । सूर्यस्य । रश्मिभिरिति रश्मि-भिः । शुक्रम् ( )

। त्वा॒ । शु॒क्रायाम्॑ । धाम्ने॑ धाम्न॑ इति॑ धाम्ने॑ - धाम्ने॑ । दे॒वेभ्यः॑ । यजु॑षेयजुष॑ इति॑ यजु॑षे - यजु॑षे । गृ॒ह्णामि॑ । ज्योतिः॑ । त्वा॒ । ज्योति॑षि । अ॒र्चिः । त्वा॒ । अ॒र्चिषि॑ । धाम्ने॑ धाम्न॑ इति॑ धाम्ने॑ - धाम्ने॑ । दे॒वेभ्यः॑ । यजु॑षेयजुष॑ इति॑ यजु॑षे - यजु॑षे । गृ॒ह्णामि॑ ॥ 18

(उप॒ - नी - र॒श्मिभिः॑ शु॒क्रः - षोड॑श च) (A10)

### TS 1.1.11.1

कृ॒ष्णः । अ॒सि । आ॒खरे॑ष्ठ इत्या॑खरे - स्थः । अ॒ग्नये॑ । त्वा॒ । स्वाहा॑ । वेदिः॑ । अ॒सि । ब॒रुहि॑षे । त्वा॒ । स्वाहा॑ । ब॒रुहिः॑ । अ॒सि । सु॒ग्न्य इति॑ सु॒क् -भ्यः॑ । त्वा॒ । स्वाहा॑ । दि॒वे । त्वा॒ । अ॒न्तरि॑क्षाय । त्वा॒ । पृ॒थिव्यै॑ । त्वा॒ । स्व॒धेति॑ स्व॒धा । पि॒तृभ्य॑ इति॑ पि॒तृ -भ्यः॑ । ऊ॒र्क् । भ॒व । ब॒रुहि॑षद्भ्य॑ इति॑ ब॒रुहि॑षत् - भ्यः॑ । ऊ॒र्जा । पृ॒थिवी॑म् । ग॒च्छत् । वि॒ष्णोः॑ । स्तूपः॑ । अ॒सि । ऊ॒र्णाम॑दस॒मित्यू॑र्णा - म॒दस॑म् । त्वा॒ । स्तृ॒णामि॑ । स्वा॒स॒स्थमि॑ति॒ सु -आ॒स॒स्थम् । दे॒वेभ्यः॑ । ग॒न्धर्वः॑ । अ॒सि । वि॒श्वाव॑सुरि॒ति वि॒श्व - व॒सुः । वि॒श्वस्मा॑त् । ई॒षतः॑ । यज॑मानस्य । प॒रिधि॑रिति॑ परि - धिः । इ॒डः । ई॒डितः॑ । इन्द्र॑स्य । बा॒हुः । अ॒सि । 19

### TS 1.1.11.2

दक्षि॑णः । यज॑मानस्य । प॒रिधि॑रिति॑ परि - धिः । इ॒डः । ई॒डितः॑ । मि॒त्रावरु॑णा॒विति॑ मि॒त्रा - वरु॑णौ । त्वा॒ । उ॒त्तर॑त् इत्यु॑त् - त॒रतः॑ । प॒रीति॑ । धृ॒त्ताम् । ध्रु॒वेण॑ । ध॒र्मणा॑ । यज॑मानस्य । प॒रिधि॑रिति॑ परि - धिः । इ॒डः । ई॒डितः॑ । सू॒र्यः । त्वा॒ । पु॒रस्ता॑त् । पा॒तु । क॒स्याः॑ । चि॒त् । अ॒भि॒श॒स्त्या॑ इत्य॒भि -श॒स्त्याः॑ । वी॒तिहो॑त्रमि॒ति -वी॒ति - हो॒त्रम् । त्वा॒ । क॒वे । द्यु॒मन्त॑मि॒ति द्यु - मन्त॑म् । स॒मिति॑ । इ॒धीम॑हि । अ॒ग्ने । बृ॒हन्त॑म् । अ॒ध्वरे॑ । वि॒शः । य॒न्त्रे इति॑ । स्थः॑ । व॒सूना॑म् । रु॒द्राणा॑म् । आ॒दि॒त्याना॑म् । स॒द॒सि । सी॒द । जु॒हूः । उ॒प॒भृदि॑त्यु॒प - भृत् । ध्रु॒वा । अ॒सि । घृ॒ताची॑ । ना॒म्ना । प्रि॒येण॑ । ना॒म्ना । प्रि॒ये । स॒द॒सि ( ) । सी॒द

। ए॒ताः । अ॒स॒दु॒न्न । सु॒कृ॒त॒स्येति॑ सु॒कृ॒त॒स्य॑ । लो॒के । ताः । वि॒ष्णो॒ इति॑ । पा॒हि । पा॒हि । य॒ज्ञम् । पा॒हि । य॒ज्ञप॑तिमिति॑ य॒ज्ञ-प॑तिम् । पा॒हि । मा॒म् । य॒ज्ञनि॑यमिति॑ य॒ज्ञ - नि॑यम् ॥ 20

(बा॒हुर॑सि - प्रि॒ये स॑द॒सि - प॒ञ्च॑दश च) (A11)

### TS 1.1.12.1

भु॒वंन॑म् । अ॒सि॑ । वी॒ति॑ । प्र॒थ॒स्व । अ॒ग्रे । य॒ष्टः । इ॒दम् । नमः॑ ॥ जु॒हु॑ । ए॒ति॑ । इ॒हि । अ॒ग्निः । त्वा॒ । ह॒य॒ति॑ । दे॒व॒य॒ज्या॒या इति॑ दे॒व -य॒ज्या॒यै । उ॒प॑भृ॒दित्यु॑प॑ -भृ॒त् । ए॒ति॑ । इ॒हि । दे॒वः । त्वा॒ । स॒वि॒ता । ह॒य॒ति॑ । दे॒व॒य॒ज्या॒या इति॑ दे॒व -य॒ज्या॒यै । अ॒ग्ना॒वि॒ष्णू इत्य॑ग्ना॒ -वि॒ष्णू । मा॒ । वा॒म् । अ॒वे॒ति॑ । ऋ॒मि॒ष॒म् । वी॒ति॑ । जि॒हा॒था॒म् । मा॒ । मा॒ । स॒मि॒ति॑ । ता॒प्त॒म् । लो॒क॒म् । मे॒ । लो॒क॒कृ॒ता॒वि॒ति॑ लो॒क-कृ॒तौ । कृ॒णु॒त॒म् । वि॒ष्णोः॑ । स्था॒न॒म् । अ॒सि॑ । इ॒तः । इ॒न्द्रः॑ । अ॒कृ॒णो॒त् । वी॒र्या॑णि । स॒मा॒र॒भ्ये॒ति॑ सं-आ॒र॒भ्य॑ । ऊ॒र्ध्वः । अ॒र्द्ध॒रः । दि॒वि॒स्पृ॒श॒मि॒ति॑ दि॒वि -स्पृ॒श॒म् । अ॒हु॒तः ( ) । य॒ज्ञः । य॒ज्ञप॑तेरिति॑ य॒ज्ञ - प॑तेः । इ॒न्द्रा॑वा॒निती॑न्द्र - वा॒न् । स्वा॒हा॑ । बृ॒ह॒त् । भाः॑ । पा॒हि । मा॒ । अ॒ग्रे । दु॒श्च॑रि॒ता॒दि॒ति॑ दुः - च॒रि॒ता॒त् । ए॒ति॑ । मा॒ । सु॒च॑रि॒त् इति॑ सु - च॒रि॒ते । भ॒ज॒ । म॒ख॒स्य॑ । शि॒रः॑ । अ॒सि॑ । स॒मि॒ति॑ । ज्योति॑षा । ज्योतिः॑ । अ॒ङ्ग॒म् ॥ 21

(अ॒हु॒त - ए॒क॒वि॒ंश॒तिश्च॑) (A12)

### TS 1.1.13.1

वा॒ज॒स्य॑ । मा॒ । प्र॒स॒वे॒ने॒ति॑ प्र-स॒वे॒न॑ । उ॒द्गा॒भे॒णेत्यु॑त् -ग्रा॒भे॒ण॑ । उ॒दि॒ति॑ । अ॒ग्र॒भी॒त् ॥ अथ॑ । स॒प॒त्ना॒न् । इ॒न्द्रः॑ । मे॒ । नि॒ग्रा॒भे॒णेत्यु॑त् नि-ग्रा॒भे॒ण॑ । अ॒ध॒रा॒न् । अ॒कः॑ ॥ उ॒द्गा॒भ॒मित्यु॑त् -ग्रा॒भ॒म् । च॒ । नि॒ग्रा॒भ॒मि॒ति॑ नि -ग्रा॒भ॒म् । च॒ । ब्र॒ह्म॑ । दे॒वाः । अ॒वी॒वृ॒ध॒न् ॥ अथ॑ । स॒प॒त्ना॒न् । इ॒न्द्रा॑ग्नी इती॑न्द्र-अ॒ग्नी । मे॒ । वि॒षू॒ची॒ना॒न् । वी॒ति॑ । अ॒स्य॑ता॒म् ॥ वसु॑भ्य॒ इति॑ वसु॑-भ्यः । त्वा॒ । रु॒द्रे॒भ्यः॑ । त्वा॒ । आ॒दि॒त्ये॒भ्यः॑ । त्वा॒ । अ॒क्त॒म् । रि॒हा॑णाः । वि॒य॒न्तु॑ । वयः॑ ॥ प्र॒जा॒मि॒ति॑

प्र-जाम् । योनि॑म् । मा । निरिति॑ । मृक्ष॑म् । एति॑ । प्या॒य॒न्ता॒म् । आपः॑ । ओष॑धयः ।  
म॒रुता॑म् । पृष॑तयः । स्थ॒ । दि॒वम् । 22

**TS 1.1.13.2**

ग॒च्छ । ततः॑ । नः॑ । वृष्टि॑म् । एति॑ । ई॒र॒य ॥ आ॒युष्पा॑ इत्या॑युः- पाः । अ॒ग्रे । अ॒सि ।  
आ॒युः । मे । पा॒हि । चक्षु॑ष्पा इति॑ - चक्षुः - पाः । अ॒ग्रे । अ॒सि । चक्षुः॑ । मे । पा॒हि ।  
ध्रु॒वा । अ॒सि । यम् । प॒रि॒धि॒मिति॑ परि॑ - धिम् । प॒र्य॒ध॑त्था इति॑ परि॑ - अध॑त्थाः । अ॒ग्रे । दे॒व  
। प॒णि॒भिरिति॑ प॒णि - भिः । वी॒य॒मा॒णः ॥ तम् । ते । ए॒तम् । अ॒न्विति॑ । जोष॑म् । भ॒रा॒मि  
। न । इ॒त् । ए॒षः । त्वत् । अ॒प॒चे॒तया॑ता इत्य॑प - चे॒तया॑तै । य॒ज्ञस्य॑ । पा॒थः । उ॒प ।  
स॒मिति॑ । इ॒त् । स॒स्त्रा॒वभा॑गा इति॑ स॒स्त्रा॒व - भा॑गाः । स्थ॒ । इ॒षाः । बृ॒हन्तः॑ । प्र॒स्त्रे॒ष्टा  
इति॑ प्र॒स्तरे॑- स्थाः । ब॒र॒हि॒षद् इति॑ ब॒र॒हि॒-स॒दः । च । 23

**TS 1.1.13.3**

दे॒वाः । इ॒माम् । वाच॑म् । अ॒भीति॑ । वि॒श्वे । गृ॒णन्तः॑ । आ॒स॒द्येत्या॑ - सद्य॑ । अ॒स्मिन् ।  
ब॒र॒हि॒षि । मा॒द॒य॒ध्वम् । अ॒ग्रेः । वा॒म् । अ॒प॒न्न॒गृ॒हस्ये॑त्य॒प॒न्न - गृ॒हस्य॑ । स॒द॒सि । सा॒द॒या॒मि  
। सु॒म्नाय॑ । सु॒मि॒नी इति॑ । सु॒म्ने । मा॒ । ध॒त्तम् । धु॒रि । धु॒र्यौ । पा॒तम् । अ॒ग्रे । अ॒दु॒ब्धा॒यो  
इत्य॑द॒ब्ध-आ॒यो । अ॒शी॒त॒त॒नो इत्य॑शित॑ - त॒नो । पा॒हि । मा॒ । अ॒द्य । दि॒वः । पा॒हि । प्र॒सि॒त्या  
इति॑ प्र॒-सि॒त्यै । पा॒हि । दु॒रि॒ष्ट्या इति॑ दुः - इ॒ष्ट्यै । पा॒हि । दु॒र॒घ्न॒न्या इति॑ दुः - अ॒घ्न॒न्यै । पा॒हि ।  
दु॒श्च॑रि॒ता॒दिति॑ दुः - च॒रि॒ता॒त् । अ॒वि॒षम् । नः॑ । पि॒तुम् । कृ॒णु । सु॒षदे॑ति॑ सु॒-स॒दा॑ । योनि॑म्  
। स्वाहा॑ । दे॒वाः । गा॒तु॒वि॒द् इति॑ गा॒तु-वि॒द् । गा॒तुम् । वि॒त्त्वा । गा॒तुम् ( ) । इ॒त् । म॒न॒सः  
। प॒ते । इ॒मम् । नः॑ । दे॒व । दे॒वेषु॑ । य॒ज्ञम् । स्वाहा॑ । वा॒चि । स्वाहा॑ । वा॒ते । धाः॑ ॥ 24

(दि॒वम् - च - वि॒त्त्वा गा॒तुम् - त्रयो॑दश च) (A13)

**TS 1.1.14.1**

उ॒भा । वा॒म् । इन्द्रा॑ग्नी इतीन्द्र - अ॒ग्नी । आ॒हु॒व॒ध्यै । उ॒भा । राध॑सः । स॒ह । मा॒दु॒य॒ध्यै ॥  
 उ॒भा । दा॒तारौ । इ॒षाम् । र॒यी॒णाम् । उ॒भा । वाज॑स्य । सा॒तयै । हु॒वे । वा॒म् । अश्र॑वम्  
 । हि । भूरि॑दाव॒त्तरेति॑ भूरि॑दाव॒त् - त॒रा । वा॒म् ॥ विजा॑मातुरिति वि - जा॒मा॒तुः । उ॒त । वा ।  
 घृ । स्या॒लात् ॥ अथ॑ । सोम॑स्य । प्र॒यतीति॑ प्र-य॒ती । यु॒वभ्या॑मिति यु॒व - भ्या॒म् । इन्द्रा॑ग्नी  
 इतीन्द्र - अ॒ग्नी । स्तोम॑म् । ज॒न॒यामि॑ । न॒व्यम् ॥ इन्द्रा॑ग्नी इतीन्द्र - अ॒ग्नी । न॒व॒तिम् । पु॒रः  
 । दा॒सप॑त्नीरिति दा॒स - प॒त्नीः । अ॒धू॒नु॒तम् ॥ सा॒कम् । ए॒केन॑ । क॒र्मणा॑ ॥ शु॒चि॑म् । नु ।  
 स्तोम॑म् । न॒वजा॑तमिति न॒व- जा॑तम् । अ॒द्य । इन्द्रा॑ग्नी इतीन्द्र - अ॒ग्नी । वृ॒त्रह॑णेति वृ॒त्र - ह॒ना  
 । जु॒षेथा॑म् ॥ 25

**TS 1.1.14.2**

उ॒भा । हि । वा॒म् । सु॒हवेति॑ सु-ह॒वा । जोह॑वीमि । ता । वाज॑म् । स॒द्यः । उ॒श॒ते । धे॒ष्ठा  
 ॥ व॒यम् । उ॒ । त्वा । प॒थः । प॒ते । रथ॑म् । न । वाज॑सातय इति वाज॑-सा॒तये ॥ धि॒ये  
 । पू॒षन् । अ॒यु॒ज्महि॑ ॥ प॒थस्प॑थ इति प॒थः - प॒थः । परि॑प॒तिमिति॑ परि॑-प॒तिम् । व॒च॒स्या ।  
 कामे॑न । कृ॒तः । अ॒भीति॑ । आ॒न॒ट् । अ॒र्कम् ॥ सः । नः । रा॒स॒त् । शु॒रुधः॑ । च॒न्द्रा॒ग्रा इति॑  
 च॒न्द्र - अ॒ग्राः । धि॒यान्धिय॑मिति धि॒यं - धि॒यम् । सी॒ष॒धाति॑ । प्रेति॑ । पू॒षा ॥ क्षे॒त्र॒स्य । प॒ति॒ना  
 । व॒यम् । हि॒तेन॑ । इ॒व । ज॒या॒म॒सि ॥ गा॒म् । अ॒श्वम् । पो॒षयि॑त्तु । एति॑ । सः । नः । 26

**TS 1.1.14.3**

मृ॒डा॒ति । ई॒दृशौ ॥ क्षे॒त्र॒स्य । प॒ते । म॒धु॒म॒न्त॒मिति॑ म॒धु-म॒न्त॒म् । ऊ॒र्मि॒म् । धे॒नुः । इ॒व । प॒यः  
 । अ॒स्मासु॑ । धु॒क्ष्व ॥ म॒धु॒श्रु॒त॒मिति॑ म॒धु-श्रु॒त॒म् । घृ॒तम् । इ॒व । सु॒पू॒त॒मिति॑ सु-पू॒त॒म् । ऋ॒त॒स्य  
 । नः । प॒त॒यः । मृ॒ड॒य॒न्तु ॥ अ॒ग्ने । न॒यं । सु॒प॒थेति॑ सु-प॒था । रा॒ये । अ॒स्मान् । वि॒श्वानि॑  
 । दे॒व । व॒यु॒ना॒नि । वि॒द्वान् ॥ यु॒यो॒धि । अ॒स्मत् । जु॒हु॒रा॒णम् । ए॒नः । भू॒यि॑ष्ठाम् । ते ।  
 नम॑उ॒क्ति॒मिति॑ नमः-उ॒क्ति॒म् । वि॒धे॒म् ॥ एति॑ । दे॒वाना॑म् । अ॒पीति॑ । प॒न्था॑म् । अ॒ग॒न्म् । यत् ।

शक्रवा॑म । तत् । अ॒न्वि॒ति॑ । प्र॒वो॑दु॒मि॒ति॒ प्र- वो॑दु॒म् ॥ अ॒ग्निः । वि॒द्वान् । सः । य॒ज्ञात् । 27

#### TS 1.1.14.4

सः । इत् । उ॒ । हो॒ता॑ । सः । अ॒ध्व॒रान् । सः । ऋ॒तून् । क॒ल्प॒या॒ति॒ ॥ यत् । वा॒हि॑ष्ठम्  
। तत् । अ॒ग्र॒यै॑ । बृ॒हत् । अ॒र्च॑ । वि॒भा॒व॒सो॒ इति॑ वि॒भा-व॒सो ॥ म॒हि॑षी । इ॒व । त्वत् ।  
र॒यिः । त्वत् । वा॒जाः॑ । उ॒दि॒ति॑ । ई॒र॒ते ॥ अ॒ग्रे॑ । त्वम् । पा॒र॒य॒ । न॒व्यः । अ॒स्मान् ।  
स्व॒स्ति॒भि॒रि॒ति॑ स्व॒स्ति -भिः॑ । अ॒ती॒ति॑ । दु॒र्गा॒णी॒ति॑ दुः -गा॒नि॑ । वि॒श्वो॑ ॥ पूः । च॒ । पृ॒थ्वी॑  
। ब॒हु॒ला॑ । नः॑ । उ॒र्वी॑ । भ॒व॑ । तो॒का॒य॑ । त॒न॒या॒य॑ । श॒म् । योः ॥ त्वम् । अ॒ग्ने॑ ।  
व्र॒त॒पा॒ इति॑ व्र॒त- पाः॑ । अ॒सि॑ । दे॒वः । ए॒ति॑ ( ) । म॒र्त्ये॑षु । आ ॥ त्वम् । य॒ज्ञे॑षु । ई॒ड्यः॑  
॥ यत् । वः॑ । व॒यम् । प्र॒मि॒ना॒मे॒ति॑ प्र-मि॒ना॒म॑ । व्र॒ता॒नि॑ । वि॒दु॒षा॑म् । दे॒वाः । अ॒वि॒दु॒ष्ट॒रा॒स॒  
इ॒त्य॒वि॒दुः - त॒रा॒सः॑ ॥ अ॒ग्निः । तत् । वि॒श्व॑म् । ए॒ति॑ । पृ॒णा॒ति॑ । वि॒द्वान् । ये॒भिः॑ । दे॒वान्  
। ऋ॒तु॒भि॒रि॒त्य॒तु -भिः॑ । क॒ल्प॒या॒ति॒ ॥ 28

(जुषे॑था॒मा - स नो॑ - य॒ज्ञा - दा - त्रयो॑वि॒ंश॒तिश्च॑) (A14)

**praSna korvai with starting padams of 1 to 14 anuvAkams :-**

(इ॒षे त्वा॑ - य॒ज्ञस्य॑ - शु॒न्ध॑ध्वं - क॒र्म॒णे वा॑ - दे॒वो-ऽव॑धूतं - धु॒ष्टिः - सं॒व॒पा- म्या द॑दे - प्र॒त्यु॒ष्टं -  
कृ॒ष्णो॑ऽसि - भु॒व॒न॒म॒सि - वा॒ज॒स्यो॒भा वा॑ - च॒तु॑र्दश )

**korvai with starting padams of 1, 11, 21 series of pa jCAtis :-**

(इ॒षे - दृ॒ष्ट॒ह - भु॒व॒न - म॒ष्टा॒वि॒ंश॒तिः )

**first and last padam of First praSnam :-**

(इ॒षे त्वा॑ - क॒ल्प॒या॒ति॑)

॥ हरिः ॐ ॥ ॥ कृष्ण यजुर्वेदीय तैत्तिरीय संहितायां प्रथमकाण्डे प्रथमः प्रश्नः समाप्तः ॥